

AD QVODLIBETARIAM

QVÆSTIO MEDICA

MATVTINIS EXAGITANDA DISPVTATIONIBVS IN SCHOLIS

Medicorum die Iouis 27. Nouembris clarissimo viro D. M. Alberto le Febure doctore,
Medico Regio, moderatore prudentissimo.

An à flatu indicatio refrigerandi.

IN morbis prouida naturæ & prudentis Medici scopus idem est non agendi modus: Natura, quæ solidis tantum partibus insidet, suis institisque praesidijs satis munita, nulla prægressa meditatione morbos etiam grauissimos indicat: Medicus ut ijs quoque leuissimis medeatur, adiumenta externa desiderat, eaque inuenit adhibita rationatione & methodo, quæ duobus inijs, soli quæ indicij vitur, affectu contra naturam & affectu corporis natura, hinc similitum, inde contrariorum auxiliorum necessitas, spes, conditioque ostenditur, in quibus prima, secunda, tertia, omnis denique indicatio consistit.

CORPORIS affecti Natura & affectus contra naturam corpori insidens, qui propriè morbus definitur, ut multiplex est, sic varietatem indicationum suppeditat: accedunt causæ & symptomata, à quibus interdum alia quam ab ipso morbo indicatio agendorum sumitur. A symptomatis quidem varijs, cum noui morbi, aut debilioris naturæ metum inferunt: A Causis frequentius, non à venere, quæ nullam mittendi sanguinis indicationem præbet, sed ijs tantum quæ externa vel interna morbum fouent, si plures, explorandæ, quæque resoluendo posterior fuerit, vel estimatione dignior, priorem vel potioem in medendo locum indicabit.

ATQVI flatus omnisque spiritus turbidi & turbulenti qui manifestis cavitatibus, cæcisque hiatus corporum concluditur, duæ omnino causæ contingentes sunt, humor multus, crassus, lentus, qui materia vicem iniet, ut efficientis principij calor externus, qui quod maior, ut in ictero symptomatico, eo magis nativum minuit, eiusque omnes actiones quæ à similibus partibus eduntur, labefactat, solidas partes liquat, optima quæque alimenta corrumpit, malos succos generat, nec tenues spiritus animæ proximæ instrumenta, sed crassos vapores educit, qui suo impetu & caloris aestu dum in varias partes irruunt varia eaque grauiæ symptomata concitant.

IN meningibus Cephalalgiam, vertiginem rotati in cerebri ventriculis, quorum conspectu elisi sternutationem, epilepsiam, fremituque denso tinnitum, offusque oculis caliginem afferunt, in corde palpitacionem cient, in laterum membranis pleuritidem mentiuntur, in ventriculo choleram secam, in liene meteorismum pariunt, in pancreate hypochondriacum affectum qui flatulentus appellatur, in capacitatem abdominis erumpentes tympanitem edunt, in anfractibus intestinorum vagi borborygum, coërciti & furentes in colo cruciatus colicos mouet, in varicosis ductibus spermaticis eorum veneris extimulant, in scroto priapismum faciunt, si venosum genus inuaserint, seuas artuum totiusque corporis contractiones moliantur.

RGO in his à flatu & humore vacuatio indicatur, eaque vel occulta sensibus ut de quibusdam, vel manifesta, ut purgatio blanda & si vires ferant phlebotomia frequens, quæ refrigerare & ventosam flatulentiam soluere perhibetur: in cephalalgia, vertigine, epilepsia, arteria temporis secatur, in pleuritide flatulenta mediana tunditur, multoque magis in palpitatione cordis, ut basilica in inflationibus ventris. Sed ab immodico calore ut impulsore flatuum indicatur ea quæ temperant & refrigerant, alimentum boni succi, lac asine, cremor ptisanæ, vinum aquosum & dilutum, pomatium, balneum aquæ dulcis, ceratum refrigerans Galeni ut in priapismo, dulcia quæ in bilem vertuntur, sunt quæ crebra aromata prohibentur acriæque omnia, alii, porrum, nasturtium, silphium, quæ quod calidiora eo plures flatus generant.

Ergo à flatu indicatio refrigerandi.

Proponēbat Nicolaus Pietre Parisinus anno 1597.

DOMINI DOCTORES DISPVTATVRI.

M. Antonius de Cagne

M. Simon Pietre prof. Reg.

M. Ioannes Duret prof. & Med Reg.

M. Georgius Cornuti.

M. Ioannes le Moyné.

M. Stephanus du Four Med. Reg.

M. Claudius Boyuin.

M. Franciscus du Port.

M. Guillelmus Luffon.

M. Petrus l'Affilé dec. & Med. Reg.

